

Тауарлар мен көлік құралдарын уақытша сақтау рәсімі туралы

Күшін жойған

Қазақстан Республикасы Мемлекеттік кіріс министрлігінің 1999 жылғы 3 қараша N 1325 бұйрығы. Қазақстан Республикасы Әділет министрлігінде 1999 жылғы 12 қарашада тіркелді. Тіркеу N 972. Күші жойылды - Мемлекеттік Кіріс министрлігінің 2001.03.30. N 149 бұйрығымен.

"Қазақстан Республикасындағы кеден ісі туралы" Z952368_ Қазақстан Республикасының Заңына сәйкес Бұйырамын:

1. Мыналар бекітілсін:

1) Тауарлар мен көлік құралдарын уақытша сақтау орындары және рәсімі туралы нұсқаулық (1-қосымша)

2) Уақытша сақтау қоймасындағы (кеден қоймасындағы, еркін қоймадағы) тауарлар мен көлік құралдарын есепке алу кітабы (2-қосымша)

2. Заң департаменті (Райханова К.А.) осы бұйрықты мемлекеттік тіркеуді қамтамасыз етсін.

3. Кеден комитеті (Нүкенов М.) осы бұйрықтың жариялануын және жүзеге асырылуын қамтамасыз етсін.

4. Осы бұйрықтың орындалуын бақылау Кеден комитетінің Төрағасы М. Нүкеновке жүктелсін.

5. Бұйрық мемлекеттік тіркеу сәтінен бастап 10 күн өткеннен кейін күшіне енеді.

Министр

Қазақстан Республикасы

Мемлекеттік кіріс министрлігі Кеден комитетінің 1999 ж. 03.11. N 1325 бұйрығына 1-қосымша

Тауарлар мен көлік құралдарын уақытша сақтаудың орындары мен рәсімі туралы нұсқаулық

1. Жалпы ережелер

1. "Қазақстан Республикасындағы кеден ісі туралы" Қазақстан Республикасы Заңының (бұдан әрі - Заң) 170-бабына сәйкес тауарлар мен көлік құралдары Қазақстан Республикасының кеден органына оларды тапсырған сәттен бастап

және оларды босатқанға дейін не таңдап алынған кеден режиміне сәйкес адамның билігіне берілгенге дейін кедендік бақылауда уақытша сақтауда болады.

2. Тауарлар мен көлік құралдарын сақтаудың уақытша орындары мыналар болып табылады:

1) арнайы бөлінген және жабдықталған үй-жай тауарларды иеленушінің өз тауарларын уақытша сақтауға арналған үй-жайы;

2) көлік құралдары - тауарларды тасымалдау және уақытша сақтау үшін пайдаланылатын көлік құралдары;

3) ашық алаңдар - тауарлар мен көлік құралдарын уақытша сақтауға арналған кеден органдары аумақтары орналасқан жерлерге қанаттас әуежайлардың, теңіз және өзен айлақтарының, темір жол станцияларының аумағында орналасқан алаңдар;

4) уақытша сақтау қоймалары (бұдан әрі - УСҚ) - тауарлар мен көлік құралдарын уақытша сақтауға арналған арнайы қоймалар;

5) кеден қоймалары мен еркін қоймалар - кеден қоймасының кеден режимдеріне сәйкес тауарлар мен көлік құралдарын орналастыруға арнайы арналған, бір бөлігі уақытша сақтау үшін пайдаланылатын қоймалар;

3. УСҚ конструкциясына, жайғастырылуы мен орналасқан жеріне қойылатын арнайы талаптар Қазақстан Республикасы мемлекеттік кіріс министрлігі Кеден комитетінің (бұдан әрі - Кеден комитеті) бұйрығымен белгіленеді.

4. Уақытша сақтаудың орны мен рәсімі тауарлардың арналуына және кедендік ресімдеу мерзімдеріне байланысты айқындалады.

2. Тауарлар мен көлік құралдарын уақытша сақтауға орналастыру

5. Тауарлар мен көлік құралдарын белгілі бір кеден режиміне орналастырғанға дейін қысқаша декларация қолданылады. Қысқаша декларацияның нысаны мен онда көрсетілетін мәліметтердің тізбесі Кеден комитетінің бұйрығымен бекітіледі.

6. Уақытша сақтау мақсаттарына арналған қысқаша декларация тауарларды, көлік құралдары мен тауарларға қосымша құжаттарды бір мезгілде тапсырумен жүргізіледі.

7. Қысқаша декларация, әдетте, тауарлар мен көлік құралдарын уақытша сақтау орындарында уақытша сақтауға қою үшін негіз болып табылады.

Тауарлар мен көлік құралдарын уақытша сақтауға орналастыру тауармен бірге жүретін құжаттардың негізінде жүзеге асырылуы мүмкін. Мұндай жағдайда қысқаша декларация тауар мен көлік құралдарын уақытша сақтауға орналастырғаннан кейінгі келесі жұмыс күнінен кешіктірмей беріледі.

8. Тауарлар мен көлік құралдарын УСҚ-ға орналастыру тауарлар мен көлік құралдарын сәйкестендіру үшін жеткілікті құжаттар кедендік органдарға тапсырылған жағдайда жүзеге асырылады.

3. Уақытша сақтауда орналасқан тауарлармен және көлік құралдарымен жасалатын операциялар

9. Арнайы бөлінген және жайғастырылған үй-жайларда, ашық алаңдарда уақытша сақтауда тұрған тауарларды өкілетті адамдар оларды бүлінбейтіндей жағдайда сақтауды, бүлінген құндақтарды түзетуді қоса алғанда, қамтамасыз ету үшін қажетті операцияларға қамтуы мүмкін. УСҚ иелері, тауарларға қатысты өкілеттігі бар адамдар мен олардың өкілдері кеден органының рұқсатымен кедендік Ресімдеу үшін тауарлардың нұсқалары мен үлгілерін сынауға алуы мүмкін.

4. Уақытша сақтау мерзімі

10. Уақытша сақтау мерзімдерін Қазақстан Республикасының кеден органы кеден декларациясын, тауар мен пайдаланылатын көлік құралының сипаттамасын беруге қажетті уақытқа байланысты белгілейді. Белгіленген мерзімдерді ұзарту кеден декларациясы берілмеуіне немесе кедендік ресімдеуді жүргізу үшін қажетті құжаттардың болмауына байланысты кеден органы жүзеге асыруы мүмкін.

11. УСҚ-дағы, кедендік немесе еркін қоймалардағы тауарлар мен көлік құралдарын уақытша сақтаудың жалпы мерзімі "Қазақстан Республикасындағы кеден ісі туралы" Қазақстан Республикасының Заңында көзделген жағдайларды қоспағанда, екі айдан аспауы керек.

5. Тауарларды уақытша сақтау орындарында орналастыруды шектеу

12. Мынадай тауарларды:

- 1) сақтаудың ерекше жағдайларын талап ететін;
- 2) Қазақстан Республикасына әкелуге және Қазақстан Республикасынан әкетуге тыйым салынған, сондай-ақ Қазақстан Республикасына әкелуге және Қазақстан Республикасынан әкетуге шектеу қойылған;
- 3) акциздеуге жататын көлік құралдарында уақытша сақтауға жол берілмейді.

13. Ашық алаңдарда мынадай тауарларды:

- 1) акциздеуге жататын;
- 2) сақтаудың ерекше жағдайларын талап ететін;

3) Қазақстан Республикасына әкелуге және Қазақстан Республикасынан әкетуге тыйым салынған, сондай-ақ Қазақстан Республикасына әкелуге және Қазақстан Республикасынан әкетуге шектеу қойылған;

4) тез бұзылатын;

5) бұзылмайтын жағдайы климаттық және ауа-райы жағдайларына байланысты болып келетін тауарларды уақытша сақтауға жол берілмейді.

14. Қазақстан Республикасына әкелуге және Қазақстан Республикасынан әкетуге тыйым салынған, сондай-ақ Қазақстан Республикасына әкелуге және Қазақстан Республикасынан әкетуге шектеу қойылған тауарларды арнайы бөлінген және жайғастырылған үй-жайларда уақытша сақтауға жол берілмейді.

Сақтауға ерекше жағдайларды талап ететін тауарлар сақтаудың ерекше жағдайларына сәйкес жабдықталған, арнайы бөлінген және жайғастырылған үй-жайларда уақытша сақтауға орналастырылады.

6. Тауарлар мен көлік құралдарын УСҚ-да, кеден қоймалары мен еркін қоймаларда уақытша сақтау

15. УСҚ кеден комитетінің лицензиясы алынғаннан кейін тағайындалуы мүмкін. Егер УСҚ-ны Қазақстан Республикасының кеден органдары тағайындаған болса, көрсетілген лицензияны алуға талап қойылмайды.

16. УСҚ ашық және жабық түрлерде болуы мүмкін. УСҚ-ның түрі УСҚ-ны тағайындауға арналған лицензияда көрсетіледі. Кеден органдары тағайындайтын УСҚ ашық түрдегі УСҚ болып табылады.

Жабық түрдегі УСҚ-ның иелері белгілейтін адамдар оларда тауарлар мен көлік құралдарын орналастыру үшін арналады.

17. УСҚ-да (кеден қоймалары мен еркін қоймаларда) кеден органдары тағайындаған УСҚ-да уақытша жүзеге асырылуы мүмкін тауарлардан басқа, кез келген тауарлар орналастырылуы мүмкін.

18. УСҚ (кеден қоймалары мен еркін қоймалар) иелері мен УСҚ-да тауарлар мен көлік құралдарын орналастырушы адамдардың қатынастары Қазақстан Республикасының азаматтық заңдарымен реттеледі.

19. Мынадай:

1) Қазақстан Республикасына әкелуге және Қазақстан Республикасынан әкетуге тыйым салынған, сондай-ақ Қазақстан Республикасына әкелуге және Қазақстан Республикасынан әкетуге шектеу қойылуға жататын;

2) кедендік ережелердің бұзылғаны туралы іс бойынша заттық дәлел болып табылатын тауарларды уақытша сақтау Қазақстан Республикасының кеден органдары тағайындаған уақытша сақтау қоймаларында жүзеге асырылады. Бұл ретте 1) тармақшада көрсетілген тауарларды уақытша сақтаудың шекті мерзімі -

үш тәуліктен, 2) тармақшада Заңның 323-бабына сәйкес тауарлар мен көлік құралдары өндіріп алынған адамдарға құлақтандыру жіберілген күннен бастап алты айдан аспауға тиіс. Кеден органдары тағайындаған УСҚ болмаған кезде кедендік ережелердің бұзылғаны туралы іс бойынша заттай дәлел болып табылатын тауарларды уақытша сақтаудың ерекше қажетті жағдайларын ескере отырып, кеден органдары белгілеген уақытша сақтаудың өзге орындарында жүзеге асырылады. 7. Уақытша сақтауда тұрған тауарлар мен көлік құралдарын есепке алу 20. Уақытша сақтауда тұрған тауарлар мен көлік құралдары міндетті түрде есепке алынуға жатады. 21. УСҚ, кеден қоймалары мен еркін қоймалардың иелері сақтауға түскен және қоймалардан босатылған тауарлар мен көлік құралдарына есеп жүргізеді және есеп беріп отырады. 22. УСҚ-да, кеден қоймалары мен еркін қоймаларда сақтаулы тауарлар мен көлік құралдары есебінің нысанын Қазақстан Республикасының кеден органы айқындайды. Бұл ретте есепке алудың жүйесіне мыналар: 1) есеп кітабы; 2) кедендік есеп құжаты енгізіледі. 23. Есеп кітабы автоматтандырылған есеп жүйесіне қарамастан, белгілеген нысанға сәйкес жүргізіледі. Есеп кітабын жүргізудің тәртібін кеден органдары айқындайды. 24. Кедендік есеп құжаттары тауарлармен және көлік құралдарымен бір мезгілде тапсырылатын қысқаша декларация, тауардың жеткізілгендігі туралы хабарлама, тауармен бірге жүретін құжаттар болуы мүмкін. 25. Уақытша сақтауда тұрған тауарлар мен көлік құралдарының есеп құжаттары кемінде бес жыл сақталады. 8. Кедендік төлемдер мен салықтарды төлеу үшін жауаптылық

26. Белгілі бір кедендік режимде тауарлар мен көлік құралдарын орналастырғанға дейін кедендік төлемдер мен салықтарды төлеу үшін жауапкершілікті, тауарлар мен көлік құралдарын Қазақстан Республикасының кеден аумағынан тысқары шығарып әкететін жағдайларды қоспағанда, тауарлар мен көлік құралдарын тасушы адам көтереді. Бұл жағдайда кеден органдарының алдында тауарлар мен көлік құралдарын өткізуші тұлға, ал тауарлар мен көлік құралдарын әкету ниеті туралы кеден органдарына хабарламаған адам - тасымалдаушы жауаптылықта болады.

27. УСҚ-да сақтаулы тауарлар мен көлік құралдарына қатысты кедендік төлемдер мен салықтарды төлеу үшін жауапкершілікті, УСҚ-ның иесі кедендік орган болып табылатын жағдайды қоспағанда, УСҚ-ның иесі көтереді. Көрсетілген жағдайда тауарлар мен көлік құралдарын УСҚ-ға орналастырған адам, ол болмаған жағдайда тауарлар мен көлік құралдарын жеке меншіктенуші адам немесе иесі жауап береді.

28. Кеден қоймасына немесе еркін қоймаға тауарларды уақытша орналастырған адам уақытша сақтауда тұрған тауарларға қатысты кедендік төлемдер мен салықтарды төлеу жөніндегі жауапкершілікті көтереді. Заңның 43-

бабында белгіленген міндеттемелерді кеден қоймасының иесі сақтамаған жағдайда кедендік төлемдер мен салықтарды төлеу жөніндегі жауаптылықты кеден қоймасының иесі көтереді. 9. Уақытша сақтау рәсімін бұзғаны үшін жауапкершілік 29. Қазақстан Республикасының заңдарында белгіленген тауарлар мен көлік құралдарын уақытша сақтаудың тәртібін бұзған адамдар Заңға сәйкес кедендік ережелерді бұзғаны үшін жауапқа тартылады. Оқығандар: Омарбекова А.Т. Икебаева А.Ж.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК